

СТУДЕНТТЕР ҚАШЫҚТЫҚТАН БІЛІМ АЛУДА

Ел халқының қауіпсіздігін қамтамасыз ету мақсатында мемлекетімізде Дүниежүзілік денсаулық сақтау ұйымының жаңа COVID-19 коронавирусын пандемия деп жариялауына байланысты білім алушылардың, қызметкерлер мен педагогтардың өмірі мен денсаулығын қорғау үшін биылғы жылдың 16 наурызынан бастап елімізде төтенше жағдай енгізілген болатын. Төтенше жағдайға байланысты М.Әуезов атындағы ОҚМУ колледжі де қашықтықтан білім беру технологиясына көшті. Білім алушыларға онлайн, оффлайн режимінде сапалы білім беру үшін педагогтарға вебинар жүргізілді. Вебинарда оқу үрдісі барысында «Platonus», «Zoom», «College SmartNation» және басқа да ресурстар арқылы қашықтықтан оқыту технологиясы бойынша оқытушылар мен студенттерге нұсқаулықтар берілді.

Қазіргі таңда оқу процесіне күн сайын ерекше мән беріліп, қашықтықтан оқыту бойынша білім берудің сапалы болуы үнемі бақылауға алынған. Оқу бағдарламасы

орындалып, студенттер университеттің ақпараттық ресурстарын пайдалана алуы үшін ғылыми кітапхана қызмет көрсетудің ерекше режиміне ауысты, яғни білімгерлердің университет

қорындағы электронды кітаптарды оқу үрдісінде пайдалануына барлық мүмкіндіктер қарастырылған.

Колледж білім алушыларының және олардың ата-аналарының сауалдарына

уақтылы әрекет ету бойынша, студенттердің онлайн сабақтарда 100% қамтамасыз етілуі үшін колледж оқытушылары мен қызметкерлерінен топ жасақталып, қарқынды жұмыстар

атқарылуда. Сондай-ақ студенттердің ата-аналарымен тығыз байланыста болу үшін WhatsApp желісі арқылы чатта түсіндірме жұмыстары да жүргізіліп жатыр. Осы орнатылған байланыстар арқылы сабақ барысына енгуге арналған техникалық құралдары жеткіліксіз студенттердің жағдайы назарға алынып, колледж ұжымы жабдықтармен қамтамасыз етілді. Өтілген әрбір пәннің қорытындысын жасап, жұмыс күнінің соңында мониторинг жүргізілуде. Бүгінде қашықтықтан оқыту бағдарламасы бойынша оқытушылар мен студенттер жұмысы бірізді жүйеге түсіп, оқу үрдісі нәтижелі жүріп жатыр. Осындай жүйенің аясында жұмыс жасауда зиялылық потенциалын, компьютерлік техниканы ұтымды пайдалана отырып, үздіксіз білім беру принциптерін жүзеге асыруда колледж оқытушылары мен студенттері кейбір артықшылықтарды негізге алып, тиімді жұмыстар атқарып жатқанын да айта кеткен жөн.

М.ИСМАИЛОВА,
М.Әуезов атындағы ОҚМУ
колледжі директорының тәрбие ісі
жөніндегі орынбасары.

